

營建志

昔楚宮斯干播咏於詩丹楹刻桷與城郭臺囿之修築春秋書之蓋所以重興作惜人力也監利城經屢徙自元時始定今地公署倉庫驛置代有葺治壇廟在祀典者構創畧備他養濟育嬰義冢仁政所覃及者皆準令甲建立惟是壤多苦潦民力憊甚不能頻勞營繕城堞頽圯歷有年所比者咸豐之初土寇煽亂廨署倉庫盡成煨燼力未能興復尙緩鳩工夫役繁費鉅卽值寬閒不用農隙遽興將作尙不免仁者之譏况於時緇舉贏者乎以水潦之不時元氣之未

監利縣志

卷之二

營建志

一

休復少需歲月乃次第補苴之未晚也然曩昔規畫之制則不可不詳載以示來者志營建

城署

縣城向在上坊東村五代梁徙置今所宋端平間荆湖制置使孟珙改遷魯洲口元復今治初無城郭明正德乙亥巡撫秦金命邑丞杜漸築土爲之然曠弗治隆慶六年壬辰巡撫趙公巡按舒鰲奏請改築萬歷元年癸酉知縣李純樸修建始於是年冬越明年夏竣工東西仍舊基南北俱新築甃以磚石周一千八百丈高九尺厚一丈有奇池深二丈爲門五南日朝

宗東曰朝陽北曰望京西曰阜民東北曰保和修築
時有番禺知縣趙繡族居於城內外東北有台州推
官張錦族居於城內外正北二公因公出所係爭開
北門幾致廷奏經巡撫巡按二院會議解釋題增一
門於東北名曰保和崇禎七年甲戌知縣唐勳增高
城垣三尺浚濠環繞深廣皆盈仞崇禎十五年壬午
兵火豐經遂致傾圮

國朝順治六年己丑知縣蘭完理繕修殘毀重建城樓
樓上各有題額東曰光華復旦南曰江漢澄清西曰
鴻雁翔集北曰鎖鑰深嚴東北曰神聽和平樓有

監利縣志

卷之二

營建志

二

關聖像歲久四門城樓俱敝惟保和樓存城濠近居民
者率湮塞不通五門樓梁俱廢康熙十九年庚申知
縣程藻募工開濠修復橋梁城內外水道俱得疏濬
四十一年壬午知縣郭徽祚重修並浚城濠邑人鄭
重威有建城記 今盡圮

縣治署在城近南宋端平甲辰遷定今址元末兵燬明
洪武甲辰知縣劉淵建甲戌知縣張貴重建至正統
九年甲子燬於火十年乙丑知縣鄭崇重修正德間
知縣莊鉞修萬歷二十四年知縣范士林重修崇禎
壬午兵燬

國朝順治八年辛卯知縣蘭完瑄卽舊址重修咸豐四年兵燬同治七年知縣查子庚倡議修建旋以奉調去任接署知縣林瑞枝重修臨街爲照牆東西爲柵門頭門內左右爲各役班房中建儀門獄在儀門外西所在儀門外東儀門內左右爲書吏科房中甬道建誠石亭大堂前砌月臺堂後宅門內中爲川堂左右門房各四間二堂五楹二堂後廂房四間三堂五間東西有廊各三間二堂東側爲花廳廳後建書房四間耳房一間再後爲廚房

丞廳在縣署左明壬午廢康熙八年巳酉知縣侯夢卜

監利縣志

卷之二

營建志

三

建盡圯二十一年壬戌春知縣程藻縣丞潘廷藻重建爲火燬自後未修租民房爲署

典史署在縣署右後順治八年知縣蘭完瑄建典史王世瑛修咸豐四年兵毀同治八年典史陳世勳補修縣署周圍界址丈尺凡沒於居民者壬戌知縣程藻俱清出牆垣新築

曾三壽曰按舊志遷治在宋藝文內有淳祐徙邑端平定治署之語舊志又載端平甲辰阡定今址考端平在前淳祐在後端平有甲午無甲辰淳祐四年乃爲甲辰則序次年號歲時必有舛錯者然

無明文可據因舊文而存之勿敢遽易也

儒學在縣署東北詳學校志

密圻巡檢司縣西三十里明洪武已酉建

白螺磯巡檢司縣東南一百一十里明洪武已酉建乾隆壬辰歲重修廨舍咸豐四年燬於賊

僅存內堂今補葺暫駐

朱家河主簿司縣西六十里原屬瓦灣司後缺裁設主簿於朱河

分鹽巡檢司縣北七十里隆慶已巳建署在元鎮官右國初兵燬巡檢盛起鳳結茅為屋乾隆

十年巡檢張得仁重建咸豐甲寅復兵燬止存墩基官租民房

演武教場在東門外哨守廳二一在東門內一在舊縣

僧會司在羅漢寺道會司在上清觀

監利縣志 卷之二 營建志 四

倉庫

倉在賓館後久廢康熙間立三櫃征收東糧倉一間在

縣堂東舊倉後西糧倉六間在堂西工房前二倉皆

康熙戊寅知縣郭徽祚建

廣積倉在城東知縣鄭崇建

預備倉在縣北隅後遷署內邑人裴綸記崇禎甲戌知

縣唐勳重建皆久燬

諸鄉預備倉四在分鹽舊縣朱郭崇南久廢

社倉三十八所分貯各里

永濟庫在縣署大堂東同治十年建

驛遞

塔市驛在江岸宋名塔子口明吳元年設塔市站洪武戊

申改爲驛驛丞一人正統丙寅知縣鄭崇建久燬

按塔市驛水驛也額無設馬攷縣原官馬四十七匹於康熙元二五七年節次奉裁訖復於十三年因大兵駐劄荆岳縣屬中途奉修驛道撥馬一百二十八匹分設縣城薛家嘴荆河口三站復於十五節次奉裁訖

諸急遞鋪曰章臺在縣前曰窑圻縣西曰新添曰新冲曰

車湖港曰三崗以達石首爲北路自窑圻過江曰塔

市驛曰章華港曰樁江以接石首調弦鋪名爲南路

塔市驛屬縣治樁江章華則石首屬鋪司永充鋪兵

監利縣志

卷之二

營建志

五

則就近招募額支工食南北兩路時而更改遞送由

南路迤北抵潛江曰鷄鳴曰沙洪久廢

關

周關在周老嘴縮襄河支流歲久淤塞周支關在楊林

口水道猶通道光時邑侯勞光泰稟請移周關於柳

家集名曰柳關其周支關改曰柳支關南北水道俱

有權算近時引港亦置關焉

閘二今俱閉

福田寺閘

嘉慶年間建在福田寺東

螺山閘

道光年間建鑿山爲閘

壇廟

社稷壇在東門外明洪武初置

國朝因之乾隆二年勅修

其祭月用二仲戊木主二俱北面用羊一豕一爵三帛一按諸壇各方二丈五尺高四寸陞三級俱有定制經年久廢僅存其地用薦歲事

風雲雷雨境內山川城隍廟在東南門明洪武二十六

年置

國朝因之乾隆二年勅修

祭日同社稷木主三俱南向隍居右用羊四豕四帛四爵各三

先農壇在東門外雍正五年勅建乾隆二年勅修先農

藉田水白田四畝九分

坐落東關外祭祀壇所

監利縣志

卷之二

壇廟

六

邑厲壇在北門外

以清明中元十月朔致祭俱以城隍主之有御製祭文

八蜡壇

嘉靖初勅祭之今遺址不可考按蜡者索也以歲十二月大索羣物而享之一先嗇二司嗇三農四百種五郵表畷六坊七小庸八貓虎

風神廟

在小東門外

龍神祠

邑侯勞光泰建

關帝行宮

在縣西四十里即隄頭天啟三年堤決成潭周六七里深十數丈傳有異物慮為堤患國朝康熙十四年貝勒王總督蔡毓榮駐營茲士捐修關廟於潭前十九年庚申知縣程藻重修

縣城隍廟在學宮右康熙二十一年知縣程藻重建四

十二年知縣郭徽祚重修道光十五年重修咸豐四

年逆賊竄擾毀壞神像屋宇同治十年知縣林瑞枝

補修

每歲同祀於山川者二獨祀於厲壇者三新官蒞任必先謁神與之約誓務陰陽表裏以安下

民

關廟有二一在保和門上康熙壬午知縣郭徽祚重修
一在北門外

文昌閣明知縣劉源建在學宮東南為邑中壯觀今圯
寺觀附

羅漢寺縣治南僧會司佳焉安置龍亭每朝賀祝萬壽
皆在寺中

上清觀縣治西北道會司佳焉宋政和間建天啓三年
復修道光元年重修有資善寺鐘一口元時鑄相傳大水漂至

新關廟 在縣治西

監利縣志

卷之二

壇廟

七

觀音閣 在縣治後

崇賢祠 在縣東南祀申伍二
公會九壽有序今圯

文昌祠 在縣西六十里

文公廟 縣東南二十五里祀朱子 國朝乾隆二十
年重建邑人秦宗振捐置祀田二畝今圯

保和宮 在北關外祀真武

二賢祠 在南門內祀知縣羅
綬教諭王如坎今圯

東嶽廟 在南門外

南嶽廟 在縣東南

火神廟 在羅漢寺旁

五通廟 在縣治西北創於宋成於明康熙八年
知縣侯夢卜重修前殿今各五顯廟

凌雲宮

在東關外明建迎春於東郊在此旁有無塵和尚塔

伍公祠

祀子胥在縣南

洞庭廟

在縣北

獻珠臺廟

在縣東

三閭祠

城東七里唐封屈原為昭靈侯宋封忠潔侯元封清烈公明始復稱三閭大夫之神命於五月

祭之日

馬伏波廟

在縣北八十里俗名馬王廟

申公廟

在縣東大吡坑距城三十里國朝乾隆十一年邑人劉銓建

永鎮宮

在縣東車灣三十里庚寅隄潰陡沉一淵廣里餘屢水不移中立一宮名曰永鎮

穀廟

縣東江堤上宋夏六月江水決堤忽怪風夜作雷雨交至次日有司得雷車穀迹成堤是以祀之

監利縣志

卷之二

壇廟

八

歐陽將軍廟

縣東六十五里祀水府之神

晏公廟

在縣西南水神也

蕭公廟

在江上水神也徐文長云蕭公名伯軒宋末新塗人其子祥叔元人孫天任永樂時人併為神

刺封水府通靈廣濟顯應英佑侯

銀杏寺

縣東南三十里寺前有小山高不盈仞廣不盈丈巖崖有千仞勢與駱家灣堤近寺久圯同治

四年重建有張江陵碑記

伍子胥廟

在香港

盧公廟

在泮池側聯文昌閣舊基

何了公廟

何公元時冠子灣人行三隨父運糧溺於水後為神遠藩以其素有靈異請勅為順江王

立廟錫以儀衛指揮使石庸監修廟宇今廟在車灣香火甚盛祭家洲亦有何王廟道光八年重修

北洲寺 縣北五十里前有馬伏波寺即古把竺山相傳
伏波征五谿過此達寺環化邱湖其八角井化
錢爐久湮沒矣李桃劉肇國俱有碑記康熙己未寺
前偶鑿小井未及一仞泉水湧出澄澈芬芳沉痾服
之立起遠近皆驗或
亦仙井之化迹歟

吳王廟 在白螺山祀吳大帝孫權前有鳳凰磯

福田寺 在縣北距城三十里建於唐時

三賢祠 在縣東二十里祀二程子及朱子今圯

宗公廟 縣東一百一十里獅子山後祀宗忠簡公澤廟
濱江靈異最著凡荆岳漢沔往來江上者多祀
之

柘福寺 縣北三十里宋建

洪山寺 縣東六十里明成化間建

監利縣志 卷之二 壇廟 九

因果寺 縣東六十五里後晉開運間建元至正初僧慈
心聞寺地有聲掘得古鐘上掩赤石內有伽藍

普庵二像遂更名普庵 國朝年間重修
寺明萬歷三年清丈編入官地免糧有照

福連寺 在縣東上坊里一名方樂宋咸淳
間建明洪武中居士連子忠重葺

種福寺 縣東南八十里一名廣福一名延壽原在大源
港宋建元至正二年遷今所舊志前有神泉塘

白雲軒陸務觀會在此
烹茶破橙見入蜀記

鐵牛寺 縣西六十里宋建以寺前有護堤鐵牛故
名嘉慶年間堤潰寺圯鐵牛陷入淵潭

觀音寺 在縣北三十里建於唐貞觀時明
惠藩重建道光二十七年重修

南觀音寺 在縣東六十里有鐵佛

萬安寺 在縣東北六十里

永福寺 在縣西六十里程家集

水西寺 在縣東六十里明建左右有文昌閣藏經閣

圓通寺 縣東一百二十里白螺山

紫薇寺 縣東北七十里宋建明重修舊志陸務觀入蜀泊此曰紫湄

法華寺 在朱家河

報國寺 明時建在白湖院相傳申包胥址有楮鼓臺揚旗嶺距寺三里有伍將軍口

九真觀 距城四十里何家院明時建有羅漢樹咸豐四年燬於兵同治間重修舊傳有九真人夜建石

亭間鷄而止今石柱猶存其一真人石像猶存其五

璿臺觀 縣北六十里

香城觀 縣西六十里

永鎮宮 縣東三十里

監利縣志 卷之二 壇廟

青陽宮 縣西北六十里嚴家厰石

祖師殿 縣北二十里新興坑唐建

三官殿 縣東一百二十里明建

皇功寺 縣東七十五里陸放翁入蜀時會憇此碑有劍南老人遺跡

普安堂 古蹟

三元殿 縣北百里內祀知縣陶洽知府梁章鉅木主

護國山 在上車市距城三十里舊名永鎮宮江濱坍塌遷徙再三祖師像銅身銀鍍有靈官一座係魚

人網出江中重計千鈞

關帝廟

文昌閣 在毛家口

上何王廟 在大叱院堤上舊名永何宮

三元殿 在螺山前有孟家磯

鐘來山 明成化間建有自來鐘一口故曰鐘來山道光丁亥年漢水堤決鐘又乘水而去距城九十里

雲龍山 建於明時在鷄鳴渡有翽帝銅像

迴龍觀 縣北八十里張七坑南

玉虛宮 縣東一百二十里在楊林山鳳凰嘴上明惠藩建今已墟

天妃廟 在楊林磯神姓蕭唐末人年九歲從父官溺於江溯流而上浮屍楊林山下不沉不腐土人立

廟敬血屍者四十八年後塑像葬之廟南最著靈異明成化三年勅封天妃聖姥道光庚寅年土人謀改葬安厝啓棺視之骨色如金香火甚盛

青龍山 縣西六十里

監利縣志 卷之二

壇廟

十一

禹王宮 在郝家埕前湖南木客會館

天符廟 在北關外

文昌宮 在朱家河

元鎮宮 明時建在分鹽市

興真觀 縣西距城七十里

蔡公祠 在蔡家洲祀靖寇副將軍蔡毓榮公隨貝勒馬王剿吳逆屯兵萬家洲百姓安堵鷄犬不驚士

民感德改萬家洲曰蔡家洲立廟以祀乾隆五十七年重修

大王廟 縣西北距城六十里卽伍子胥揮槐處也

上天符廟 在朱家河

何王廟 自明建朱河長院有般舟曉渡古跡故名般舟巷

瞿家廟 自明建朱河長院有珠台古跡

靈隱庵 縣東二十里宋建 國朝知縣程藻修

鹿苑庵 縣東六十里元建在朱河市今為傳戒之所

白衣庵 縣東明建

漢壽庵 縣東六十里明建

韋馱庵 縣東六十里明建

茶庵 北門外 國初里人朱
玫建庵施茶易名鴻雪

準提庵

資庵

長樂庵

監利縣志 卷之二 壇廟 十三

素仙庵 明建

白衣庵 吉老院南

祇樹庵 縣東二十里車灣坑內久頽知縣
程藻兌運車灣寓庵內重修完固

金輪庵

觀音庵

普濟庵 不知建時咸豐四年
燬於兵同治間復建

碧霞庵 距城八十五里元時建咸豐四年燬於兵咸
豐八年重修寺後銀杏一株數百年物也

如來庵 在盤石院旁
有僧廣文塔

仰山庵 縣西北距城七十三里

藏經塔 在銀杏寺側塔四丈九尺八寸累七層高五
丈九尺九寸塔基一畝五分同治四年建

育嬰 養濟 義冢

育嬰堂

在十字街即舊普濟堂雍正十三年建道光十一年邑令唐樹義改建有經費田在文固院共

三十畝零新院共十畝零週城院共五畝零禾獲院共九畝零難院共四畝零又有朱河市屋半邊一進

養濟院

在五顯廟內

義冢

一在東門外明萬歷癸酉本縣開窑燒甄買民劉錠地工完即定為漏澤園一在太馬院順治六年

知縣蘭完理入城目擊枯骨遍野不勝心惻捐俸購

雞鳴十甲里長呂賞揚太馬院白地四畝七分有奇

盡收遺骨瘞之立義冢碑記隨後遵旨設立仍於

郭西得官地二畝八分立石碑為記又一在東門外

廢署

監利縣志

卷之二

壇廟

三

布政分司在縣西北即稅課局舊址明正統辛酉知縣

鄭崇建久廢萬歷甲戌知縣李純樸清查遺址橫八

丈亘一十六丈五尺後池一口今圯

按察分司在縣東明成化甲午知縣焦欽重修今圯

府館在學宮東街前萬歷甲戌五月邑人參政鄭重威

捐已地橫七尺亘十一丈用還府館之舊今圯

主簿廳

在縣署右前久廢

毛家口巡檢司

在縣東北三十二里

瓦子灣巡檢司

在縣東南八十里

太馬長川河泊所

在縣南十里

家綠湖河泊所 在縣南六十里

分鹽河泊所 在縣北六十里

以上三所二司俱裁

陰陽學 在縣署東街

醫學以惠民藥局為醫學 在縣城北久廢

監利縣志 卷之二

壇廟

西